

# Gertak kecewa pembangkang manipulasi isu Melayu Bangkit

SH 16/5/2010 T3

**KUALA TERENGGANU** - Naib Pengerusi Gerakan Kebangkitan Rakyat (Gertak), Syed Anuar Syed Mohamad kecewa dengan pihak tertentu terutama parti pembangkang yang didakwa telah memanipulasi program Melayu Bangkit sehingga terpaksa ditangguhkan.

Katanya, pihak terbabit dilihat sengaja memperbesarkan isu itu demi kepentingan mereka sehingga tujuan sebenar penganjuran program itu disalah erti.

Lebih mengecewakan, tujuan utama penganjuran tersebut tidak berniat jahat, sebaliknya hanya untuk menjadikan orang Melayu bermuhasabah, selain meningkatkan kesedaran untuk menjadi bangsa cemerlang.

"Kita sedih apabila DAP, PKR cuba memanipulasi isu ini dan Pas cuba mengheret sama perkara ini. Apabila Setiausaha Publisiti DAP Pusat, Teresa Kok mengaitkan ia bertentangan dengan 1Malaysia, jadi adakah DAP menerima tema 1Malaysia?"

"Apakah ia menjadi rasis kalau ia

bertujuan menjadikan bangsa cemerlang? Pas juga dilihat cuba menanggung di air keruh (dengan membuat laporan polis). Kalau polis siasat, kita tiada masalah memberi kerjasama," katanya kepada Sinar Harian ketika dihubungi.

Beliau berkata demikian sebagai mengulas tindakan penangguhan program Melayu Bangkit yang dianjurkan Gertak dan Institut Integriti Negeri Terengganu yang sepatutnya diadakan pada 13 Mei lalu di Stadium Tertutup, Gong Badak.

Susulan penangguhan itu, pihaknya turut menerima banyak maklum balas melalui laman sosial Facebook dan juga khidmat pesanan ringkas (SMS) yang mengaku kecewa dengan tindakan penangguhan itu.

Kata beliau, pihaknya sama sekali



● SYED ANUAR SYED MOHAMAD

tidak bermaksud mencetuskan sesuatu yang buruk dalam negara, malah program itu dirancang dengan baik untuk mengelak berlaku perkara tidak diingini.

"Kita tidak fikir perkara ini akan menjadi sesuatu yang besar kerana kita bukannya mengadakan perhimpunan dan bekas Perdana Menteri, Tun Mahathir pernah di-

jemput sebelum ini untuk bercakap soal bangsa di Universiti Malaysia Terengganu (UMT), tetapi tidak berlaku perkara sebegini," katanya.

Katanya, keadaan itu tidak mematahkan semangat pihaknya untuk terus memberi sumbangan kepada rakyat dalam bentuk idea, program dan sebagainya serta bersedia bekerjasama dengan mana-mana pihak termasuk ahli politik pada masa depan.